



三代寶録

四十二之四

内閣文庫		和書
三〇八五	二〇四	三〇八五
二〇四	二〇四	二〇四
三〇八五	二〇四	三〇八五
三〇八五	二〇四	三〇八五



内閣文庫	
番號	和 30854
冊數	20(17)
函號	137 156



綴じ部(喉部分)の文字など開きが不鮮明な箇所あり

改官
太平
字三年
六月二
十二月
符備將
唐雲
法師
批備夫
壽以昆
救誰無
畏死振
成有突
身改殺
生招短
命之報
救死作
長年之
福伏請
通初
諸國立
放生池
救加某
析不語
捕漁者
奉私
依請者

綱目之宅
繫獄
歎
失
之
俱
其
野
物
者
感
德
修
德
一
向
鎮
即
影
其
法
願
其
色
附
限
言
上

功績申官褒賞自餘諸寺依官符任別當及尼寺
領並同此例其未得解由之輩永不任用亦不預
公請但僧綱別勅任別當者不在此限者曰茲
僧綱一位之程永期終身或年薦差積還嬾修治
或春秋漸高更倦釐務此不立秩限之所致也伏
望自今以後更立秩限同責解由但未得解由者
特免不預公請之責以令知僧綱之貴云云其四
曰應令治部玄蕃等省察押署戒牒并捺印事貞
觀七年三月十五日格曰少僧都法眼和尚位惠

運牒備伏換舊例凡有得度者先與度緣次令入
寺每年三月以前放牒諸寺令進當年可受戒交
名會集綱所治部玄蕃共勘知名籍然後令登受
戒者今聞頃年受戒之輩事多不法只以戒牒專
為公驗自稱真僧眩人耳目因茲郡家少輸貢之
民都鄙多濫吹之僧伏望自今以後受戒之日省
察威從共向戒場子細勘會官符度緣即令登壇
受戒便收受戒者戒牒具注後紙以其本籍姓名
省察相共押署捺以省印五月以前下放僧綱僧

網六月一日頒給受戒者嚴 勅有司不使違期
若有持白紙戒牒者處以違 勅其五應諸寺別
當被補之日令省寮僧綱兼知事式云凡諸寺以
別當為長官以三綱為任用解由與不勘知并覺
舉遺漏及依理不盡返却等之程一同京官其與
不之狀令綱所押署者又云未得解由之輩永不
任用亦不預公請者然則綱所須勘知其與不之
由依狀進止而件別當任符不被下於綱所自官
府而頒給綱所不知補任之年月何詳解由之與

不曰茲行事之場有煩今勘授公請之日無由進
退伏望自今以後件任符被下綱所詳知然後頒
給其與不之狀綱所押署傳進所司者如此奏狀
欲下任符縱令綱所承其由雖無任符自知任限
今須件別當被任之日必令省寮僧綱兼知事更
下任符云云

其七應禁流毒捕魚事如聞諸國百姓每至夏節剥
取諸毒木皮搗碎散放河上在其下流者魚蟲大
小舉種共死其元謀所要在魚至于蟲人無用無

用於人而徒死非其要共委泥沙人之不仁淫殺
至此失先皇永遺放生之仁後王盍除流毒
之害伏望自今以後特禁一時之毒殺將救群蟲
之徒在勅宜俾內外遵行之十一日壬午月次
神會食祭並於神祇官行事之天皇不御神嘉殿
以今月六日內裏大死也十九日庚寅地震
廿四日乙未夜月犯畢大星之廿五日丙申從四
位下行攝津守實世王主男景行秋雪申如麻往等
賜姓平朝臣但女子者前生帶王號後產即入平

氏實世仲野親王之子也勅以因幡出雲兩國
正統三千斛賜伯耆國班給百姓令勤農業先是
伯耆國司言當國自貞觀二年至元慶元年頻遭
不登出舉減少請給隣國穀勉民農業從之廿
六日丁酉任相撲左右司中納言從三位兼行左
衛門督源朝臣能有兼議正四位下行皇太后宮
大夫藤原朝臣國經兼議正四位上行左近衛中
將藤原朝臣有實正四位下行左兵衛督兼播磨
權守源朝臣光從四位上行左近衛權中將兼備

前守源朝臣興基從四位下行左中辨兼木工頭
兼權左中弁兼左近衛少將藤原朝臣
 藤原朝臣遠經內藏權頭從五位上兼行讚岐介
 良岑朝臣晨直左兵衛佐源朝臣湛侍從源朝臣
 是忠左衛門權佐藤原朝臣清瀨左馬助安倍朝
 臣三寅為左司中納言從三位在原朝臣行平參
 議正四位下右兵衛督源朝臣冷參議正四位下
 行右衛門督兼近江權守藤原朝臣諸葛從四位
 下行侍從雅望王正四位下行右近衛中將兼美
 濃守源朝臣直從四位上守大藏卿源朝臣定有

下紫宸殿三字一本無

從四位下行中務大輔源朝臣至正五位下守左
 中辨兼大學頭巨勢朝臣文雄右近衛少將兼備
 中守藤原朝臣清經右衛門佐從五位上兼行讚
 岐權介平朝臣秀式右兵衛權佐藤原朝臣敏行
 從五位下行右馬助藤原朝臣恒與為右司是日
 以一品行式部卿兼常陸太守諱仁和親王為左
 相撲司別當以三品行兵部卿本康親王為右相
 撲司別當兩親王下紫宸殿庭奉勅拜舞而出山
 城國稻三千束大和國三千束伊賀國穀二百五

十斛充造西寺塔新並通用三寶布施新 秋七月辛丑朔從四位下行丹波權守興範王散位從四位下興枝王並賜姓源朝臣 仁明天皇皇子人康親王之子也 廿四日甲子賀茂齊女王修禊鴨水入初齋院事猶有警障例也 廿八日戊辰右相撲司從四位下雅望王正四位下源朝臣直從五位下藤原朝臣敏行並謝病不上以散位從四位上實行王正四位下平朝臣房世侍從從五位上藤原朝臣佐名補其闕 廿九日己巳

天皇御紫宸殿覽相撲 廿日庚午 天皇御紫宸殿覽相撲左右司進奏音樂 閏七月辛未朔日有蝕之 三日癸酉 天皇御紫宸殿覽左右相撲人即令相撲左右司奏音樂如前日儀 十六日丙戌右大臣多上表曰臣多言臣修表辭職不聽再進將重渥愚丹恐屢聖纘臣謹檢承前古來任大臣者培割職封返叔公府臣雖云庸瑣見賢思齊伏願 陛下留臣所食千戶接遺美於百年然則蕭抗之責稍減分銖金湯之守請支萬

不堪恟歎之至上表以聞臣多誠惶誠恐頓首
 頓首死罪死罪謹言許之 八月庚子朔 五日
 甲辰中務省奏請宮衛令云應入宮閣門者本司具
 注官位姓名送中務省付衛府各從便門着籍每
 月一日十六日一名換籍宮衛人准此又仁壽二年
 四月二十八日格曰諸司不進門籍任意出入准
 法論之罪涉闌入自今以後不進門籍直移刑官
 斷罪者而今諸司多不進門籍妄出入官門者依
 格上移於刑官官報云斷罪之道先知罪人貫屬

姓名而後斷之須具載移文由是為令申貫屬召
 不進門籍之司巧言辭道曾不應召望請省注其
 姓名移式兵二省勘送貫屬太政官處分依請即
 便下知式部兵部無品巨勢親王薨不任緣葬之
 諸司以喪家辭也 皇帝不視事三日親王者
 平城太上天皇之第四子也母贈從三位伊勢朝
 臣繼子正四位下孝人女也 八日丁未釋奠如
 常 廿二日辛酉延八十僧於紫宸殿轉讀大般
 若經限三日訖 廿三日壬戌太政官下符大和

國司備散位從五位下宗岳朝臣木村等言建興寺者是先祖大臣宗我稻目宿祢之所建也本緣記文具存灼然望請宗岳氏檢領而彼寺別當傳燈大法師位義濟確執曰太政官仁壽四年九月十三日下當國符備彼寺推古天皇之舊宮也元號豐浦故為寺名凡厥緣起具存前志佛法東流取始於此其田園奴婢施入之由勅誓堅懇銘之金盤頃年堂龕頽破尊像暴露網維不勤勾當當有懈磬其臺鈴臺其久新直演之聲佛物僧物還

致俗用之訟習而不悛恐乖御願宜令長官勾當不得獨任細維以致道場之損立為恒例又貞觀三年九月二十五日下治部省符備僧細申牒彼寺本自無有俗別當而今特置之寺中諸事觸途為損請早從停處分依請者宗我稻目宿祢以家為佛殿天皇賜其代地遂相移易施入皇宮稻目宿祢奉詔造塔然則建興寺之建出自御願不可為宗岳氏寺明矣官商量宜停氏人檢領之望不得重致寺家之愁廿五日甲子讀經事畢

引名僧二十人於御所論義賜被 廿九日戊辰
於侍從局南右大臣曹司設日本紀竟宴先是元
慶二年二月二十五日於宜陽殿東廂令從五位
下助教善淵朝臣愛成讀日本紀從五位下大外
記嶋田朝臣良臣及文章明經得業生學生數人
近為都講太政大臣右大臣及諸公卿並聽之五
年六月二十九日講竟至是申澆章之宴親王以
下五位以上畢至擬出日本紀中聖德帝王有各
諸臣分充太政大臣以下預講席六位以上各作

和歌自餘當日探史而作之琴歌繁會歡飲竟景
博士及都講賜物有差五位以上賜內藏寮總行
事外記史預焉 九月庚午朔 二日辛未先是
民部省言主稅察解備式云職由為輸租由其味
後之間為輸地子由今檢畿內無主職由收穀倉
院雖不載格式而事是為例至于外國不論存亡
永為租由非只遺式亦有公損然而既無證驗無
由勘徵請大納言已下及諸博士等每有其闕令
式部省移送以備勘會但其地子混合正稅將存

公益又諸國郡司等或遭喪解任或其身死去未
 補之間空經年序如此之類定繁有徒而步進租
 帳不見其由不得勘出商量事情似有遺漏諸國
 郡司每年三月三十日以前令同省移送其地子
 亦同混合正統太政官處分依請下知式部民部
 訖三日壬申御齋燒燈如常四日癸酉地震
 七日丙子夜月行奄犯牽牛第一二星九日
 戊寅重陽之節天皇御前殿賜宴群臣菊花酒
 奏女樂文人賦詩賜祿如常十三日壬午遣武

享術字款

藏權守從五位上弘道王向伊勢大神宮奉幣去
 十一日可發此使內裏大產故從停廢於是神祇
 大副從五位上大中臣朝臣有本言元慶元年內
 裏大產十一日停奉幣使十三日發遣大外記正
 六位上臣勢朝臣又宗言大產之穢當也三日元
 慶元年九月九日大產十一日忌限既滿十二日
 前散齋十三日致齋十四日後散齋然則今月十
 日大產忌限滿日在前散齋相議外記所執有理
 然而所司行事幣物既備仍從有本之言十八

日丁亥有雄雉集清涼殿上須臾飛入東宮 勅遣使求之遂無所獲 廿日巳丑有鷄當宮城而朝翔 廿五日甲午大膳職營院火 冬十月庚子朝於宜陽殿西廂賜待臣飲左近衛府舉音樂賜祿各有差夜雷電 二日辛丑夜雨雷 五日甲辰是日裁定造伊勢齋內親王野宮夫數元工三千十五人夫一萬五百三十五人今定工一千四百六十五人夫五千二百七十二人先是木工權大允正六位上內藏朝臣有永等解備謹檢先

例徵發五畿內并近江美濃丹波但馬播磨等國所役人別十日而右辨官宣濟事之道公平為先度之行程可立恒例今美濃但馬播磨等國往還稍遠人民多煩宜暫停件三箇國隨狀增加今所作屋舍之數頗倍於先結構之功合期而成裁定單功既過半分望請顯功當時遺例後代者勅依請立為恒例 九日戊申授薩摩國從四位上開闢神正四位下近江國從五位上小枝神越中國楯杵神筑前國為野神並從五位上近江國從

長友托
歟之誤

五位下羊佐上神羊佐下神柏板神並從五位上
近江國正六位上物部布津神海北神海南神美
濃國長友神丹波國荒井神城崎神並從五位下
十日己酉新鑄銅印一面賜土佐國以前印文
字刊盡也十四日癸丑。降雷三聲。廿五日
甲子志摩國年貢御贄四百三十一荷令近江伊
賀伊勢等國驛傳貢進令大和國結作春日神社
走馬場埒并加掃除先是每年春秋祭日令興福
寺結作馬埒洒掃塵穢寺家言佛神異道忌崇禊

避寺之此作實非物情故改之能登國金光明寺
遭激雷迴殿堂舍多壞充通三宝布施一萬七千
三百六束三把二分令修理景廿七日丙寅
天皇御紫宸殿右近衛右衛門右兵衛右馬寮等
獻物五月六日競走馬右司輸也親王公卿侍從
並侍奏音樂并雜戲盡熊奠飲了日暮賜祿有羌
廿九日戊辰晦勅令能登國禁伐檜羽昨郡
福良泊山木渤海谷着北陸岸之時必迷歸舶於
此山住民伐採或煩无材故豫禁伐大木妨民業

三十八寶鏡卷四十二

勅山城國司令祇兼奉伊勢太神宮幣帛使先
是神祇官言檢格條奉伊勢太神宮九月十一日
神嘗二月四日祈年六月十二月月次等祭及臨
時幣帛使出宮城之日左右京職主典以上率坊
令兵士相迎外門送出京城近江伊賀伊勢等國
每至堺首目以上一人率郡司健兒等相迎祇兼
而出京城至近江國堺無人祇兼不掃污穢望請
令山城國司相迎祇兼從之十一月己巳朔陰
陽寮奉進明年御曆例也 天皇不御紫宸殿付

停以下物也以上三
十五字既出卷第
四十一今年四月
之下未知孰是
後案出此者是也

內侍奏紀伊國那賀郡人主殿權助外從五位下
菅原朝臣永津男七人女七人改本居貫左京四
條曰幡國法美郡人左大史正六位上九部臣百
世男三人女一人改本居貫付右京二條甲斐國
巨麻郡人左近衛將曹從六位上壬生直益成男
三人女四人貫隸山城國愛宕郡 四日壬申停
平野春日等祭以去月三日大藏省人死今月三
日滿穢限今日以前不能下供神物也是夜月行
奄陵歲星入月中從西貫東十五日癸未夜有流

星向西北行 十六日甲申春日祭如常卯時雷
 電申時地震 十七日乙酉平野祭如常是夜
 天皇從清涼殿御綾綺殿 廿三日辛卯新嘗會
 祭入天皇不御神嘉殿親王公卿向神祇官行事
 取司供奉如常 廿四日壬辰 天皇御紫宸殿
 賜宴群臣五節舞如常儀賜祿各有差 廿七日
 乙未加賀國馳驛言今月十四日渤海國入覲使
 裴頴等一百五人着岸 廿八日丙申穀倉院獻
 物緣 天皇遷御綾綺殿也是日下符加賀國安

置渤海客於便處依例供給勤加優遇又禁制私
 廻易客從所齎貨物 十二月己亥朔日有蝕之
 四日壬寅 清和太上天皇御忌 勅遣使於
 圓覺貞觀水尾等三寺修功德圓覺貞觀兩寺觀
 綿谷四百一十屯水尾寺二百一十屯並用
 御季料 九日丁未 勅以下總國神統稻五千
 八百五十五把九分四毫充造正一位勲一等香
 取神社雜念料隔二十年一作例也 十日戊申
 勅以近江國延祥寺為天台別院是日神祇官

奏御體上。天皇不御紫宸殿。大臣付内侍奏。十一日己酉月次神會食祭並於神祇官行事。天皇不御神嘉殿。以内裏犬死也。十六日甲寅左近衛右衛門左兵衛三府左馬寮獻物縁。天皇御綾綺殿。十七日乙卯子時異風雨至丑。天南雷電地中有聲。廿日戊午於綾綺殿限以三日。修佛名懺悔。是日獻荷前幣於諸山陵墓。公卿行事。廿一日己未。勅山城國葛野郡嵯峨野元既。不割今新加禁樵夫牧豎之外。莫聽放鷹。

追免同郡北野愛宕郡栗栖野紀伊郡芥川野木幡野乙訓郡大原野長田村久世郡栗前野養早野奈良野宇治郡下田野綴喜郡田原野天長年中既禁從禽。今重制。斷山川之利。教澤之生與民共之。莫妨農業。但至于北野。不在此限也。大和國山邊郡都介野天長兼和累代立制。今宜加禁。莫令縱獵。制拂禽鳥。許採草木。美濃國不破安八兩郡野本自禁制。永為藏人所獵野播磨國賀古郡野印南郡今出原印南野神崎郡北河添野前河

原賀茂郡宮來河原介可支河原先既有制今重
 禁斷嘉祥三年下符勿禁採樵牧馬備前國兒嶋
 郡野永為藏人所獵野兼和之制今緣不行何禁
 蕪荒莫宜農畝惣施法禁頒下諸國廿五日癸
 亥聽主殿寮殿部十人以異姓人充加補其闕先
 是宮內省言主殿寮申請換職員令殿部三十人
 以日置子部車持笠取鴨五姓人為之今代或氏
 舉家絕滅或氏無心直寮因茲差役雜事常煩人
 之為濟公事假補異姓功績勞成移式部省而終

不載考帳常事勘却望請承和六年八月十四日
 補異姓白丁五人之外充補十人其遺二十五人
 侍^侍五姓人以補之從之廿九日丁卯晦於朱雀
 門大^後殺及追儼如常授正五位下行左衛門佐兼
 加賀權守藤原朝臣弘經從四位下

日本三代實錄卷第四十二終

[Faint bleed-through text from the reverse side of the page]

日本三代實錄卷第四十二

起元慶七年正月盡六月

左大臣從二位兼行左近衛大將藤原朝臣時平等奉勅撰

七年春正月戊辰朔天皇不受朝賀兩也七曜

曆藏米樣腹赤魚等所司付內侍奏御紫宸殿宴

於侍臣雅樂寮奏音樂宴竟賜被是日以外記大

藏伊美吉善行式部少丞高階真人茂範為存問

渤海客使前筑後少目從八位上伊勢朝臣興房

為通事十七日甲戌天皇御紫宸殿覽清馬賜

宴群臣奏女樂宴竟賜祿各有差授三品行兵部

卿本康親王二品參議從四位上藤原朝臣有實
正四位下從四位下行山城權守恒基王從四位
上從四位下無位良末王元良親王從四位上從四位下行攝
津守平朝臣實世無位源朝臣長淵並從四位上
正五位下行伊勢守藤原朝臣興世少納言兼侍
從滋野朝臣善根並從四位下從五位上守治部
大輔橘朝臣休陰左少辨安部朝臣清行並正五
位下散位頭從五位下小野朝臣國梁左京亮藤
原朝臣真常大藏少輔嶋田朝臣善宗民部少輔

藤原朝臣安嶺備前介源朝臣淵豐後守藤原朝
臣智泉散位小野朝臣葛滋平朝臣完相右少辨
藤原朝臣佐世散位藤原朝臣清保等並從五位
上散位外從五位下伴連貞仁因宗丹波權守文伊美
吉廣常當造酒正時統宿祢當世無位源朝臣貞恒
源朝臣溉木工助正六位上大江朝臣弟岑左京
少進橘朝臣茂行式部大丞藤原朝臣當興武藏
權大掾藤原朝臣直行右兵衛大尉佐伯宿祢春
岑左兵衛大尉坂上大宿祢春岑造酒佐佐小野朝

臣安野等並從五位下大外記正六位上山田宿
祢時宗左大史良枝宿祢貞行式部大録山口朝
臣岑世右近衛將監平朝臣春雄園池正新田部
宿祢安河助教中原朝臣月雄音博士秦忌寸永
宗左近衛將監大部造氏良等並外從五位下
八日乙亥於大極殿始講最勝王經如常以興福
寺僧法相宗傳燈大法師位房忠為講師天皇
臨幸親聽講經雅樂寮奏音樂進女御從二位藤
原朝臣多美子階加正二位女叙位六人 九日

丙子授織部正正位上藤原朝臣村從五位
下散位從五位下藤原朝臣豐雄藤原朝臣有文
陰陽頭兼曆博士家原朝臣卿好相摸守藤原朝
臣春幹右近衛少將在原朝臣支干右衛門權佐
藤原朝臣有穗勘解由次官兼伊勢權佐惟長宿
祢高尚等並從五位上外從五位下行典藥助物
部朝臣內嗣散位和氣朝臣時人主殿權助菅原
朝臣永津助教淨野朝臣宮雄散位正六位上
。有各源朝臣希源朝臣當元藤原朝臣時佐

兵部大丞正六位上平朝臣基世民部大丞清原
真人常岑左近衛將監藤原朝臣連並式部大丞
八多朝臣常永散位橘朝臣秋宗右近衛將監藤
原朝臣安副大藏大丞藤原朝臣益秀主殿助藤
原朝臣末並大藏大丞伴宿祢忠行散位正七位
下佐伯宿祢春從五位下十一日戊寅除自
四十三人陸奧守從五位上兼守左近衛權少將
平朝臣季長為上野權介餘官如故十四日辛
巳大極殿齊講畢僧綱奉茶內裏論義賜被如常

陽成太上下字

十五日壬午從四位下行越前權守藤原朝臣弘
經卒弘經者贈太政大臣正一位長良朝臣子太政
大臣昭宣公之弟也弘經天性平生少言重遲語
為舌所介礙澁於清談貞觀三年除讚岐權掾六
年春授從五位下是年夏轉權介八年遷待從十
五年遷為讚岐介十七年拜左衛門佐元慶元年
陽成太上天皇踐祚之日加從五位上三年增
正五位下兼加賀權守六年久病綿綴弘經天
皇之外舅也故天皇特愍十二月晦日授從四

位下就床下賜告身七年正月遷為越前權守後
四日卒時年四十五十六日癸未踏歌之節於
紫宸殿宴于侍臣雅樂寮奏音樂宮人踏歌於殿
上以雪落地濕也賜祿有差是日天皇不御紫
宸殿十七日甲申勅公卿於豐樂院行射禮
十八日乙酉停賭射廿日丁亥停內宴廿
六日癸巳令山城近江越前加賀等國修理官舍
道橋埋瘞路邊死骸以渤海客可入京也下知越
前能登越中國送酒穴魚鳥蒜等物於加賀國為

今案明子也五
字傍註致常刪
云云二字大書
欣

勞饗渤海客也廿九日丙申四品守中務卿兼
太宰帥惟茂親王薨不在緣葬之諸司以喪家苦
辭也也天皇不親事三日親王者文德天皇之第
三子也母滋野朝臣氏參議正四位下貞生之女
也也今案明子年四十四二月戊戌朔二日巳
亥授佐渡國正六位上大庭神從五位下四日
辛丑祈年祭如常七日甲辰割山城大和河內
淡路四國通三寶布施稻各三千束伊賀伊勢兩
國穀各四百斛遠江武藏上野下野能登日幡周

防七國各五百斛播磨二百斛美作稻四千束沈
造東寺塔新科九日丙午上総國介從五位下藤
原朝臣正範飛驒奏言市原郡俘囚四十餘人叛
乱盜取官物殺略人民由是發諸郡人兵千人
令其追討而俘囚燒民廬舍逃入山中商量非教
千兵不得征伐者勅如奏狀是俘夷群盜推罪
逃竄者也况四十餘人偷兒何足以馳羽檄宜停
給勅契直下官符差發久早速追捕十日丁
未釋奠於大學祭礼乙卯外從五位下行助教淨

野朝臣宮雄講周易文章生學生等賦詩十四
日辛亥除月十七人四品守彈正尹惟恒親王為
上野太守尹如故十五日壬子授太皇太后宮
少進正六位上藤原朝臣氏江從五位下十八
日乙卯從五位上行上総介藤原朝臣正範飛驒
奏言討平夷虜訖廿一日戊午太政官符下上
総國司備手虜之狀奏聞訖既知鼙鼓一鳴風塵
永靜介正範大掾文室善友并差遣將吏等之勇
略既達流聽宜消餘燼莫令重焚若狼心無悔則

三十一

國字下
疏三字
非若川
才暢歟

弥滅渠魁梟性有後務撫育飛驒馳傳法令自今
事非機急勘掇律令發遣脚力申太政官不得專
輒馳驛上奏是日削山城國野自故治部卿
賀陽親王石原家以南至赤江埜兼和元年以降
百姓不能漁獵重加禁林邑樂人七人於大安寺
令調習以大和國正稅充給其食欲令渤海客徒
觀彼樂也先是駿河國司言戎具絕幕八條調布
幕二十九條商布幕五條機急之備縫作年久延
曆年中以後國申請大破不用除弃改作至是許

之是日存問渤海客使大藏善行高階茂範並為
兼領客使廿五日壬戌賜渤海客徒冬時服遣
辦官吏生一人押送於加賀國令領客使等頒賜
券廿八日乙丑夜內藏寮舍人津守小吉開御
服倉盜取絹四十疋下獄三月丁卯朔三日
巳巳停御齋燒燈四日庚午越中國司言貢調
期限在當年十一月望請延期明年四月廿日以
前貢進太政官處分四箇羊依請先是太和國
司言官由七百三十二町四十步請停當佃沾進

見直至是聽之（手）二十八日甲戌存問兼領渤海客使
以外記大藏善行式部少丞高階茂範等進發奉
後內裏辭見賜御衣袴各一襲（衣）十日丙子昏時
月暈行犯大微西蕃上將星亥時白雲氣自北方
來入暈中其數五行廣一尺許長一丈四片乃滅（滅）
一片貫月良久消却（消）廿一日丁亥屈八十僧於
紫宸殿轉讀大般若經限三日訖（訖）廿四日庚寅
讀經事畢別延有智僧二十九人於御前論義（義）
廿六日壬辰勅授延曆寺座主傳燈大法師

位圓珍法眼和尚位（位）夏四月丁酉朔於宜陽殿
西廂賜待臣飲賜祿有差（差）二日戊戌以右衛門
大尉正六位上坂上宿祢茂樹文章得業生從八
位下紀朝臣長谷雄為掌渤海客使民部大丞正
六位上清原真人常岑文章生從五位下多治比
真人有友為領歸鄉渤海客使（使）七日癸卯式兵
兩省奏成選擬階短冊（冊）天皇不御前殿大臣奉
勅仰二省依例行之（之）十五日辛亥公卿就太
政官曹司廳賜文武官成選位記宣制如常（常）廿

一日丁巳緣饗渤海客諸司官人雜色人等客徒
在京間聽帶禁物以從五位上行式部少輔兼文
章博士加賀權守管原朝臣道真權行治部大輔
事從五位上行美濃介嶋田朝臣忠臣權行玄蕃
頭事為對渤海大使裴邇故為之矣 廿四日庚
申諸衛整固緣明日賀茂奈也 廿五日辛酉賀
茂奈如常 廿六日壬戌諸衛解嚴 廿七日癸
亥 天皇御武德殿觀覽諸牧駒諸衛騎射 廿
八日甲子 勅遣右近衛少將正五位下平朝臣

正範到山城國宇治郡山階野邊郊旁渤海客領
客使以外記大藏善行等引客徒入鴻臚館 廿
九日乙丑晦遣右大史正六位上家原朝臣高鄉
於鴻臚館慰勞客徒 五月丙寅朔遣從五位上
行右近衛佐源朝臣元向鴻臚館勞問客徒 二
日丁卯大使裴邇等於朝堂奉進玉啓及信物親
王已下及百寮初位已上皆會四位已下未得解
由者亦預悉所司受啓信物奉進內裏 三日戊
辰 天皇御豐樂殿賜宴渤海客徒親王已下叅

議已上侍殿上五位已上侍顯陽堂大使已下二十人侍承歡堂百官六位已下相分侍觀德明義兩堂授大使文籍院少監正四品賜紫金魚袋裴題從三位副使正五品賜緋銀魚袋高用正四位下判官錄事授五位其次叙六位已下各有等級隨其位階賜朝衣客徒拜舞退出更衣而入拜舞昇堂就食雅樂寮陳鼓鍾內教坊奏女樂妓女百三十八人遞出舞酒及數杯別賜御餘枇杷子一銀椀大使已下起座拜受日暮賜客徒祿各有差

五日庚午 天皇御武德殿覽四府騎射及五位已上貢馬喚渤海客徒觀之賜親王公卿續命纒伊勢守從五位上安倍朝臣與行引客就座供食別勅賜大使已下錄事已上續命纒品官已下葛蒲纒是日大雨先是豫勅所司若過雨殺須停節會勿喚客徒改日而行事掌客使等速引客徒入於宮城故雨中成禮焉 六日辛未 天皇御武德殿觀左右馬寮競走馬及四府馬藝七日壬申大使裴題別貢方物是日內藏頭和氣

朝臣彝範率掌客使下向鴻臚館受開關八日癸酉內藏寮交開關如昨十日乙亥於朝集堂賜饗渤海客徒大臣已下就東堂座擇五位已上有客儀者三十人待堂上座從五位下守左衛門權佐藤原朝臣良積引客就西堂座供食元所定供養者謝障不出良積依有儀負俄當此選大使裴邇欲題送詩章忽索筆硯良積不閑屬文起座而出邇隨止矣勅遣中使從五位下行右馬助藤原朝臣恒與賜御衣一襲大使裴邇賞裴邇高才有

風儀也 十二日丁丑渤海客徒歸蕃是日遣參議正四位下行右衛門督兼近江權守藤原朝臣諸葛從四位下行左近衛少將兼近江權介藤原朝臣遠經正六位上行少內記多治比真人彦輔向鴻臚館付勅書正六位下行太皇太后宮權亮平朝臣惟範從五位上行少納言兼侍從藤原朝臣諸葛從六位上行少史秦宿祢安元付太政官牒禮畢領客使民部大丞清原真人常岑文章生多治比有友等引客徒出館就路 十四日已

卯今月三日豐樂院宴渤海客樂人舞妓等以大
 藏省高布一千一百五段賜之依承和九年例也
 廿二日丁亥遣使者於松尾賀茂御祖別雷稻
 荷貴布祢水主乙訓七社奉幣而嘗以旱也 廿
 五日庚寅夜山埜橋火燒一間 廿六日辛卯大
 雨神泉苑裏舊有放麻是日生白麻遠客來朝得
 此禎祥豈不豐歟 六月乙未朔日有蝕之 三
 日丁酉地震 十日甲辰從五位下行丹波介清
 内宿祢雄行卒雄行河内國志紀郡人也本姓凡

雄行一本作字清
 圖三字案字清
 行字下

河内忌寸後賜清内宿祢姓昔者唐人金 信表
 晋卿二人歸化本朝云是日紫宸殿前放上大
 屎 十一日乙巳於神祇官修月次神會食祭如
 常 天皇不御神嘉殿以內裏大死也 廿二日
 丙辰武藏國飢饉以正統稻六萬束賑恤焉 廿
 七日辛酉白鷺集大極殿西鷄尾 廿八日壬戌
 地震 廿九日癸亥備前國御野郡圓覺寺庄常
 荒田四十九町百三十三步永免輸租

荷貴布祚丹生河上大和等神社遣使班幣丹生
河上加奉白馬先是六月二十七日鷺集大極殿
鷓尾ツルノシ今日三日已往霖雨淹旬河水溢漲内外略
愁陰陽寮占奏言主上可患疾病天下將憂風
水故豫祈神明至是賽夢十六日庚辰以從五
位下行備後介淡海朝臣有守為筑後守十九
日癸未先是太宰府六月六日解備管筑後國解
備今日三日夜群盜百許人圍守從五位上都朝
臣御西館射殺御西掠奪財物傍吏聞入叫聲俄

發兵仗赴集之間群賊逃散夜暗冥不獲追捕者
府修解狀差遣少監正六位上中原真人長城等
率將兵卒發遣搜索仍且言上者是日太政官符
譴責太宰府司曰牧宰之官委寄任重而肆行殺
戮何惡之甚筑後國去太宰府往還半日縱三日
之夜夜暗兵少則四日五日何不益兵追討始是
傍吏悞弱之所致也且管部之乱鎮在府司處兇
出柙是誰之過又發向長城等之後既積月餘日
擒獲之狀于今無聞蓋是長城有致逗撓與柙亦

府司無心惡惡與都督之任豈合如此又事出非常理須馳驛而修解付脚既以替違宜窮尋蹤跡早速剪除重致懈緩國有常刑廿一日乙酉山城國愛宕郡墾田四段七十步返給鵜原寺班田使叔公給百姓口分寺愁訴故返之廿六日庚寅申時日右有耳上下有白雲日即宿翼廿七日辛卯申時日左右有珥其下雲氣形如龍馬廿八日壬辰天皇御紫宸殿於御簾中觀相撲親主公卿侍殿南廂左右司逆奏音樂八月甲

午朔四日丁酉釋奠如常直講從七位下山邊公善直講左氏春秋文章生學生等賦詩五日戊戌明經博士章得業生已下奉奏內裏帝不引見賜祿而罷十二日乙巳太政大臣上表請停撥政曰臣從奏撰錄之名常失心神之盾執雕虎而非懼探驪龍而猶安况明辟有期舊章攸迪豈抵滯於非據忘機衡之不登臣伏以去年十二月二十六日敢披丹若頻贖青規雖鑿纖霄之誠未迴重華之照臣欲固守微志重祈哀憐會蕃客

入朝攝館多務所司從事于懷遠微臣未遑于叫
 闈屏氣鞠躬經春涉夏今齡若轉蓬飄然艾孟繫
 之足行步其艱許承之聳風雨弥劇縱當強健之
 日尚謂踰涯况臨疲本之時何堪紊序伏願 陛
 下踐周成之正位遵漢宣之膺圖則微臣歡極天
 下幸甚臣之懇誠豈啻為慙謗議豈啻為懼滿盈
 是恐玷古今邦國之遐躅也不任悽悽之至謹拜
 表以聞 勅荅曰得表真之物大行皇帝所舉天下而委公者
 非特為予一人兼復顧萬方也自朕嗣事七年于

表真之物物字
 衍字致

謙遜冲讓

茲垂拱自躬是賴不訓而公深存累年方寬元
 於浮雲然清白為重寶暨于舉周誦引漢詢求之
 帝談或如可然但運鍾澆季俗盡彫殘非任明哲
 之謀安致雍熙之化况師範者公之範也儀刑者
 公之臧也既兼親賢宜均休感豈有鼎盛之年空
 陳懸車暮暮之礼渭陽之地還履博陸疎遠之蹤
 乎公宜特加攝衛勉養精神上思先帝付託之
 旨待匪躬聽斷之期依舊重摺莫重執辭其後章
 明於前 勅而來請未休雖悟雅素遺制之重朕

何雄黃悉之耳三五十四日丁未律師法橋上人位
智卒三六十五日戊申天皇御紫宸殿覽信濃
國貢馬頒親王以下各一疋三十七十七日庚戌日幡
國獲白龜一而獻之三十八廿一日甲寅正六位上日
幡守平朝臣房世卒三十九廿二日乙卯大枝於建禮
門前四十二十四日伊勢齊內親王可入野宮也
廿四日丁巳伊勢齊揭子內親王臨鴨河修禊便
入野宮中納言從三位兼行左衛門督源朝臣能
有參議正四位下行皇太后宮大夫藤原朝臣國

經陪送所司供奉如式四十一廿五日戊午大極殿西
鷄尾半折而落四十二九月甲子朔二日乙丑奉
幣於賀茂松尾貫布祢稻荷乙訓丹生川上神社
祈止雨也是日鷺集大極殿東樓上未時又集大
極殿東鷄尾夜春花閉南大木無故自折四十三授
豐後國從五位上建雄霜起神早吸咩神宇奈支
比咩神並正五位下四十四三日丙寅停御厨燒燈
五日戊辰授阿波國從五位下鹿紅比咩神從五
位上四十五九日壬申重陽之節天皇御紫宸殿賜

神名

群臣菊花酒奏女樂文人賦詩賜祿如常 十一日甲戌奉幣於伊勢太神宮例也 十五日戊寅大雨 廿三日丙戌山城國紀伊郡壱田二段返給實相寺攝津國嶋下郡壱田一町九段三百五十八步返給藤原豐淵班田使叔公班給百姓口分寺及豐淵等以本公驗訖故返之 廿九日壬辰霖雨未止 冬十月甲午朔 天皇不御紫宸殿於宣陽殿西廂賜待臣飲賜祿有差 四日丁酉延八十僧於紫宸殿轉讀大般若經限以三日

七日庚子讀經事畢延有智僧二十九人於仁壽殿論義是日以律師法橋上人位平恩國宗並為少僧都權律師法橋上人位真然為權少僧都傳燈大法師位源仁玄津祥勢義叡並為律師傳燈大法師位隆海房忠並為權律師 勅遣參議正四位下行右衛門督兼近江權守藤原朝臣諸葛從五位上行少納言兼侍從橋朝臣春行左少辨正五位下安倍朝臣清行率治部玄蕃官人向西寺網所任之宣制如式 九日壬寅以從五位

下守左衛門權佐藤原朝臣良積為推問院後國
殺害使判官一人主典一人先是太政大臣頻抗
表請停授政累月不視事勅遂不聽是日辨史
參攝河邊第白度事十日癸卯攝津國河邊郡
墾由一町三段百六十步返給二品秀良親王班
田使叔公親主家披訴故返十七日庚戌勅
令備前國割國司公麻稻二萬束別出舉以其息
利得充御賦兵士二百二十四人糧先是國宰言
境內海畔別嶋是多為奸賊之所聚非公私之是

制常殺略人民掠奪財物往還之輩被侵害者衆
由是擇浪人有勇幹者二百二十四人造宿舍於
要害之處給兵器舟楫守禦非常望請依件出舉
以充其糧食至是聽之廿日癸丑勅令七道
諸國返民部省去年所下國郡司職田地子混合
正稅符先是太政官尉言國郡司職田地子無主
之間注地子帳檢納厨家而去年八月二十五日
符傳得民部省解備主稅寮解備郡司未補之間
其職田空經年序租帳不注其由是故無由勘出

商量事情以有遺漏望請每年三月廿日以前令式部省移送其地子シテ混合スル正統者官符下省省符下國訖今檢任權官者每國過半賜采爵者每年兼倍其公廨位由必給乘田是以諸國地子類種シテ減少太政官厨用常煩關之所謂藏田加混正統者月俸日資何以支之望請返シテ省符依舊檢納地子從之廿五日戊午伊勢國飯野郡神戶百姓秦貞成向官愁訴太神宮司大中臣貞世犯用神物并不理多氣郡擬大領麻績連公豐世故

人事太政官擬遣使者推問事由左大史九部百世檢故實曰伊勢太神宮司有犯過之時不遣推問使下符國司令其推檢於是停遣使付伊勢國宰推察真偽廿六日己未停內膳司進物所等置近江國負外贄人依國吏申請廿七日庚申雷大風山城國墾田六段百八十步返給從四位下藤原朝臣直方班田使誤收公也加賜唐人崔勝居宅地三十二分之二先是庶人伴中庸沒官之宅地二十二分之十也元慶元年勅賜崔勝

三十二分之二八其遺二分在四至之內崔勝申請
故賜之廿九日壬戌地震勅令能登國禁伐
損羽作郡福良泊山木渤海客着北陸道岸之時
必造還船於此山住民伐採或煩無材故豫禁伐
木木勿妨民業十一月甲子朔陰陽寮奏御曆
并進頒曆於太政官例也授阿波國從四位下大
麻神從四位上二日乙丑勅令民部省諸國
貢調郡司參省曰勘會見物之後五箇日內移送
大藏省先是大藏省言民部式云凡勘納調庸物

一本無可字者
是歟

者郡司見參之日省錄事史生等向正倉院與大
藏錄共勘會見物然後可納調物之狀移大藏省
者而彼省或時郡司見參之後踰月不勘見物或
時勘會見物以降經旬無送移文郡司等且守調
物且請移文人疲兩者之間艱絕千里之旅官物
被盜失般長至餓死雖云人民之愁抑亦國家之
費又式云凡受納調庸雜物期月之後二十日以
前隨次收納者然則勘納之期雖有其限而遲速
之程只由移文非云章程何可絕物煩望請勘會

見物依式如行但勘會之後五箇日內令送移文
從之若有違失依法科罪 五日戊辰 勅伊勢
太神宮及豐受宮酒立女各二人准三節祭日儻
女例給祿是日裁定造伊勢齋內親王野宮工夫
數元工三千十五人夫一萬五百三十五人今
定工一千四百六十五人半夫五千二百七十
二人半先是木工權大允正六位上內藏朝臣有
永等解備謹檢先例徵發五畿內并近江美濃丹
波但馬播磨等國所役人別十日而右辨官宣濟

事之道公平為先又度之程何拘恒例今美濃但
馬播磨等國往還稍遠人民多煩宜暫停件三箇
國隨狀增加者今所作屋舍之類頗倍於先結構
之功合期而成減定算功既過半分望請頭功當
時遺例後代者 勅依請立為恒例 九日壬申
平野春日祭如常 十日癸酉散位從五位下源
朝臣蔭之男益侍殿上粹然被格殿禁省事移外
人無知益 帝乳母從五位下紀朝臣金子所
生也 十三日丙子停大原野祭自此以後祭礼

皆悉停止以內裏人死也。十六日己卯傳新章
祭於建禮門前修大教^後以內裏人死諸祀停廢也
于時天皇愛好在馬於禁中閑處秘而令飼以
右馬少允小野清如善養御馬權少屬紀正直好
道術時上被喚侍禁中蔭子藤原公門侍奉階下
常被騎策清如等取行甚多不法太政大臣聞之
遠參內裏驅逐宮中庸狼群小清如等尤為其先
惡是夜突惑失度順行子房徑三日退法。十七
日庚辰停節會之事親主公卿侍左仗頭錄五位

已上見參者准節會例賜祿谷有差。十八日辛
巳日出之時日入軒轅星。廿九日壬辰晦夜圖
書寮失火燒丁倉丁屋。十二月癸巳朔日有蝕
之。二日甲午授向波國從五位下和多都美豐
玉比咩神白馬神並從五位上大和國正六位上
散吉大建命神散吉伊能城神越前國正六位上
氣多神並從五位下。四日丙申是日先太上天
皇忌也。太皇太后設齋於圓覺寺親王公卿畢
會。五日丁酉豐樂院北邊人死。十一日癸卯

傳月次神會食祭大赦於建禮門前從四位上行
山城權守恒基王卒十四日丙午於神祇宮修
月次神會食祭十一日須修此祭而十月十日內
裏人死今月十日滿三十日之限十日是在祭前
散齋之內又今月五日豐樂院北人死故延而行
之十七日己酉遣散位從五位下橘朝臣茂行
勘解由判官正六位上三國真人有行左京小屬
從七位上春瀧宿祢春園於大和國散位助正六
位上巨勢朝臣文主木工算竿師從八位上笠朝臣

文宗於河內國勅當般班田停任使司一委國宰
執行其事而消却年月無心勤行宜分遣茂行等
與國吏共及早究行廿日壬子散位從四位上
良秀王卒廿二日甲寅於內殿修佛名懺悔限
以三日令山城大和河內和泉檜津伊勢近江美
濃丹波播磨備前紀伊等國聽百姓主樵於禁野內
勅曰禁野之興非妨民業至于草木素不拘制
嘉祥三年四月二十三日今年正月二十一日頒
告訖而預人等假託威勢矯峻法禁或驅畧牛馬

急無故救之便或奪取鎌斧遂失樵蕪之利宜重
下知勿更令然猶致侵擾必處重科國司許容亦
與同罪 廿三日乙卯奉荷前幣於諸山陵墓公
卿奉勅於建禮門前發使是日國忌也陰陽寮
言行荷前之禮避忌多端除今日之外更無吉日
故用此日焉 廿四日丙辰於宮內省修鎮魂祭
太皇太后皇太后兩宮鎮魂此夜同修焉十一月
十三日依人死穢停止此祭故延而行之 廿五
日丁巳左京人從五位下行下野權介秦宿祢永

厚從五位下守大判事兼行明法博士秦公直宗
山城國葛野郡人外從五位下行音博士秦忌寸
永宗右京人主計大允正六位上秦忌寸越雄左
京人右衛門少志秦公直本等男女十九人賜姓
惟宗朝臣永厚原等自言秦始皇十二世孫功滿王
子融通王之苗裔也功滿占星之意深向聖朝化
風之志遠企日域而新羅邀路隔彼來王遂使偃
風之草空空无仰陽之心屬天誅伐罪官軍拂塵
通寧百二十七縣人民舉田天皇十四年歲次癸

即是宗內屬也是日勅諸國史生不任用當土
 之人及無位之輩憲章既存遵行有日而非受業
 博士醫師依前後格責解由沒公廨用四年秩限
 停受業師科新等之事一同史生至于補任偏掾令
 文尚依受業師科新等之事一同史生至于補任偏
 掾令文尚依受業之例無嫌當部之人名與實違
 事與情戾自今而後宜准史生例非受業人不可
 任當國博士醫師又職無尊卑理須上命何以公
 官得私相讓頃年多有讓職之輩父子之間下官

肯以裁許自餘親疎待國解而處分負觀十七年
 格雖云父子自非國解不聽相讓自尔以來依託
 此格每年相讓本欲遏巧偽之濫還為申請之媒
 遂使調徭役民頓昇八位之級外散位輩多滿諸
 國之中自今以後宜停郡司讓職系越前國田地
 百十二町二百九十步加賀國田地二百十六町
 依天平勝寶元年四月一日詔肯返興福寺 廿
 六日戊午 勅令周防國司還流流人伴秋實於
 本配所壹岐嶋先是周防國言秋實申云負觀八

年九月十三日被配流壹岐嶋逢元慶四年十二月四日恩赦放免歸來秋實偷配所輒到此土仍投其身謹請處分者至是差宛防授還着本所廿七日己未文章得業生從八位上紀朝臣長谷雄叙位三階以對策得丁科也元慶三年閏十月五日勅以山城國乙訓郡公由五町為元慶寺田而四段三百十六步返入石作寺今以宇治郡官由四段三百十六步施入元慶寺廿八日庚申紀伊國從四位下勳八等丹生比賣神伊太祁

曾神並授從四位上阿波國正五位上天日鷲神從四位下加賀國官生神正五位下從五位下菟河國從五位下石鞞神阿波國從五位下埴生女屋神八栴神並從五位上河內國正六位上粟柄神堺神越中國正六位上新治神日幡國正六位上虫井神伯耆國正六位上天照高日女神天乃神奈斐神天高神安藝國正六位上風伯神並從五位下以從五位下橘朝臣貞樹為豐前守貞樹去二月丁卯憂罷職今以本官起之廿日壬戌朱萑門前

大赦并追儻如常

八年甲申春正月癸亥朔天皇不受朝賀雪也
御紫宸殿賜宴侍臣雅樂寮奏音樂如常儀賜被
二日甲子自昨大雨雪四日丙寅巳時天南
雷公聲降雨始雷發聲於離行鳴於坤其後暴風
雨電占云正月有雷春穀不平雷起火門夏旱蝗
七日巳巳宴群臣於紫宸殿左右馬寮奉引青
馬天皇不臨御九厥儀禮一如常御之時宴竟
賜祿各有差八日庚午於大極殿始講寂勝王

一本無礼字者是

經如常以元興寺僧法相宗傳燈大法師位奉基

為講師十四日丙子大極殿齊會事畢僧細名

僧奉系内裏論義如常施被而罷十六日戊寅

踏歌之節於紫宸殿賜宴侍臣天皇不臨御雅

樂寮奏樂宮人踏歌賜祿如常十七日己卯於

建礼門前行射礼帝不臨御公卿行事十八

日庚辰停賭射十九日辛巳從四位下行侍從

源朝臣與杖卒廿日壬午停内宴廿三日乙

酉日有冠右有珥色黄左有白虹向日是名日抱

廿四日丙戌自辰至巳日有冠左右有珥色白
即日宿危夜天東南有星見長可一丈廿八日
庚寅自廿五日雨雪至是猶未止二月壬辰朔
四日乙未先是天皇手書送呈太政大臣曰
朕近身病數發動多疲頓社稷事重神器畏守所
願速遜此位崇宸筆再呈肯在難行是日天皇
出自綾綺殿遷幸一條院二品行兵部卿本康親
王右大臣從二位兼行左近衛大將源朝臣多
納言正三位兼行右近衛大將太皇太后宮大夫

陸奧出羽按察使藤原朝臣良世中納言從三位
在原朝臣行平中納言從三位兼行左衛門督源
朝臣能有參議刑部卿正四位下兼行近江守忠
貞王參議正四位下行伊豫權守源朝臣冷參議
正四位下行右衛門督兼近江權守藤原朝臣諸
葛參議正四位下行皇太后宮大夫兼備中守藤
原朝臣國經參議正四位下行左近衛中將藤原
朝臣有實扈從文武百官共奉如常但少納言不
奏給鈴之狀諸衛不祗敬障神璽寶鏡等依例相

從驛鈴符內印管鑰等留置承明門內東廊令參
議正四位下行左大辨兼播磨守藤原朝臣山陰
從五位上行少納言兼侍從藤原朝臣諸房左少
辨正五位下安倍朝臣清行等留守攝會文武百
官於院南門 詔曰現神止大八洲御宇日本根
子天皇加御命良萬宣御命平親王等王等臣等
百官人天下公民衆聞給止宣食國乃政乎未遠
聞食倍喜御病時止發止有天萬機滯止久成奴
天神地祇之祭乎息息止有祭危美畏利念ヲモホ
天保

天皇位乎讓遜給天別宮分還御坐好宣御命乎
親王等大臣等聞給部承詔天恐美畏母國典分
准天太上天皇之尊號乎進留又皇位波一日母
不可曠分一品行式部卿親王波諸親王中分貫首
御坐又前代分無太子時波如此老德乎立奉
之例在必以御齡母長給比御心母正直久慈厚
久慎深御坐天四朝分佐仕給天政道母熟給利
百官人天下公民末天詠歌所分咸無異望故是
次天天皇分璽綬乎奉天天日繼位定奉良久親王

等王等臣等百官人天下公民眾聞給部宣中納
 言在原朝臣行平於庭誥之百辟群寮並立侍意
 事畢王公已下拜舞而退於是以神璽寶鏡等付
 於王公即日親王公卿步行奉天子神璽寶鏡等
 今皇帝於東二條宮百官諸伏圍繞相從二條
 院與二條宮相去東行數百步是夜皇太后出自
 常寧殿遷御二條院乘

日本三代實錄卷第四十四終

